

13/07/1998

Jumlah sebenar keperluan prasarana sukan dikaji

KUALA LUMPUR, Ahad - Kementerian Belia dan Sukan sedang melaksanakan satu kajian untuk menentukan jumlah sebenar keperluan prasarana sukan di seluruh negara.

Menterinya, Tan Sri Muhyiddin Yassin, berkata kajian itu membabitkan pembinaan, penaiktarafan dan pembinaan kemudahan sukan bagi memastikan program pembangunan sukan negara berjalan lancar.

"Kerajaan juga memberi perhatian dalam menggalakkan dan menentukan bidang pengetahuan serta pembangunan akademik sukan supaya berkembang selaras dengan pembangunan lain," katanya pada majlis perasmian kompleks sukan negara Bukit Jalil yang dirasmikan Perdana Menteri, Datuk Seri Dr Mahathir Mohamad, di sini malam tadi.

Muhyiddin berkata, kementeriannya juga sudah merancang serta melaksanakan beberapa tindakan penting membabitkan program sukan, infrastruktur undang-undang, pembinaan prasarana fizikal dan meningkatkan pembabitan negara pada peringkat antarabangsa.

Menurutnya, dari segi kemudahan dan infrastruktur sukan kerajaan mengambil inisiatif melengkapkan kemudahan di semua peringkat.

(END)